

mo tenei ra nui ki te rohe o Taupo. I muri i te hakari ka hui te iwi Maori ki Waipahihi. Kiki ana te whare i te tangata. I reira a Paora Rokino ma me nga rangatira o Tuwharetoa e mihi ana e manaaki ana i te ra nei. I te ahiahi he karakia pakeha, a ki tonu ano te whare karakia i te tangata. Tena koutou nga tangata o Taupo. Tena koutou te whakapaparanga tamariki e manaaki nei i ta koutou taonga. Ma te Atua koutou e atawhai, e tiaki e manaaki. Kia ora koutou katoa.

PARIHA O TE KAHA

No te 27 o nga ra Maehe ka tae Pihopa raua ko Te Naera Houkotuku ki Torere. He taenga tuutahi tenei no te Pihopa ki te pariha o Te Kaha. I torere a Kenana Pahewa e whanga mai ana ki te Pihopa. Ka nui te tangata o tenei kainga, a he Mihingare katoa. Ka mutu te tangi me nga whai-korero, ka hora te kai. I te ahiahi ka te karakia. Ki tonu te whare i te tangata, ngahau ana te whakahaere o te himene me te karakia katoa.

I te 28, Hatarei, ko te karakia hapa i te 8 a.m. E 38 nga tangata i tango hapa. I te awatea ka tae ki Maranui, rokohanga atu e noho mai ana te tangata. Ka pai nga mihi, nga manaaki. He Ringatu te muinga o te tangata o tenei kainga, engari he Ringatu manaaki i te Mihingare, ano he kotahi to ratou ahuatanga.

I te 4:30 ka tae ki Omaio. Ka haere tahi a Kopu hei arahi atu i te Pihopa. Ka nui hoki te tangata o tenei kainga. Pai ana te whakahaere o te karakia i te ahiahi.

I te 7 a.m. o te 29, Ratapu, ko te karakia Hapa i te whare-karakia atoahua o Omaio. Ka hoki mai matou ki te marae ka korerotia mai ko Wiremu Wepu te tupapaku. Ka mutu ta matou tangi, ka haere ki Te Kaha. Kiki ana te noho a te tangata i tenei whare-karakia nui. I te kutakia o te awatea, e 46 te hunga i tango Hapa.

I te 3 p.m. ko te karakia Whakau. Tekau-ma-wha te hunga i whakaungia. I te 6 a.m. o te Mane ka kai matou. I te 7 a.m. ka haere maranga i te paki o Pahewa ki Raukokore. I te 11 a.m. ka tae, karakia tonu atu. E 2 nga iriiri e 30 i tango Hapa. Ki tonu te whare karakia. I te 3 p.m. ko te karakia Whakau. Tokoia te hunga i Whakaungia. Ka hoki matou ki te Whare-ruranga, kotahi ano ka whai taima mo nga mihi. I waenganui po ka moe matou. I te 6 a.m. ko te karakia i te ata o te Mane, i te 7 a.m. ka haere matou ki Te Kaha, e maringi ana te ua. I te 11:30 ka tae ki Te Kaha ka mahue te paki o te Kenana ka eke atu ma runga motoka. Ka tae ki Omaio i te 3 p.m. I reira kotahi te whakahaeretanga i te karakia Iriiri kaumatua, maraena, Whakau. I te 4 ka haere atu i Omaio ki Torere. I te huarahi ka whakawhiwhia maua ko taku kaumatua ko Te